

von den richen beiden,
ich meine den keiser und Affundin,
daz se gepriset mosten sin. 80

Rat der milte keiser nam
mit Affundin, als iz gezam,
we her gesehen solde
de vorsten, wen her wolde
ezzen kegen der aventstunt. 85

Do riet im Affundines munt:
her sprach: moht ir de gewelde han,
also se bi den vrowen gan,
daz se also wolden sigen neder,
er is kleine de dar sprechen weder. 90

De rat deme keisere hagete:
der milte unvorzagete
. . . Affundin mit im trat,
se alle sunderliche bat,
daz se sigen wolden, 95

wenne se ezzen solden,
bi ein ander nider uf den plan.
De volge wart im dar getan
von im allen zo der stunt.
Do im wart de mere kunt, 100

man bot im swigen over al,
de vor den vorsten heten schal.

Der tanz dar mede ein ende nam.

Knafen vil gereten quam:

93. Dieser Vers scheint verdorben; wenigstens schließt er nicht genau an den folgenden.

102. schal "fröhlicher Lärm."